


Broj: 03-017-962/2017
Dana, 18.05.2017. godine

SKUPŠTINA UNSKO-SANSKOG KANTONA




PREDMET: Zaključak i Mišljenje ekspertne komisije kojim se daje saglasnost na elaborat o opravdanosti osnivanja Srednje medicinske škole u KŠC „Ivan Pavao II“ Škola za Europu u Bihaću, d o s t a v l j a s e;-

Na osnovu člana 93. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Zaključak i Mišljenje ekspertne komisije kojim se daje saglasnost na elaborat o opravdanosti osnivanja Srednje medicinske škole u KŠC „Ivan Pavao II“ Škola za Europu u Bihaću uz sljedeće:


Obrazloženje

Vlada Unsko-sanskog kantona je na sjednici održanoj dana 18.05.2017. godine, razmatrala i prihvatila, Mišljenje ekspertne komisije kojim se daje saglasnost na elaborat o opravdanosti osnivanja Srednje medicinske škole u KŠC „Ivan Pavao II“ Škola za Europu u Bihaću, te vam Zaključak Vlade i predmetno Mišljenje dostavljamo u dalju proceduru.

PRILOG: - Zaključak i Mišljenje.....(6x)


PREMIJER KANTONA
mr.scj. Husein Rošić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08) , a u vezi sa članom 21. Zakona o srednjem obrazovanju („Službeni glasnik Unsko-sanskog kantona“, broj: 17/12) na prijedlog Ministarstva obrazovanja, nauke, kulture i sporta, Vlada Unsko-sanskog kantona na sjednici održanoj dana 18.05.2017. godine, d o n o s i

ZAKLJUČAK

Član 1.

Prihvata se Stručno mišljenje ekspertne komisije kojim se daje saglasnost na elaborat o opravdanosti osnivanja Srednje medicinske škole u KŠC „Ivan Pavao II“ Škola za Europu u Bihaću i dostavlja Skupštini Unsko-sanskog kantona na razmatranje .

Član 2.

Ovaj Zaključak stupa na snagu danom donošenja.

Broj: 03-017-962/2017
Bihać, 18.05.2017. godine

PREMIJER KANTONA
mr.sci. Husein Rošić

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON**

**Ekspertna komisija za razmatranje zahtjeva i elaborata,
te davanje stručnog mišljenja o društvenoj opravdanosti osnivanja
srednje Medicinske škole u sastavu KŠC „Ivan Pavao II“ - Škola za Europu u Bihaću**

Broj:10-38-993- 5 /17

Bihać, 03.04.2017. godine

**Ministarstvo obrazovanja, nauke, kulture i sporta
Unsko-sanskog kantona
n/r ministrici Saneli Čenanović**

***Predmet: Stručno mišljenje o elaboratu i društvenoj opravdanosti osnivanja srednje
Medicinske škole u sastavu KŠC „Ivan Pavao II“- Škola za Europu u Bihaću,
dostavlja se***

KŠC „Ivan Pavao II“ Škola za Europu u Bihaću dostavio je zahtjev za osnivanje srednje Medicinske škole. Uz zahtjev ustanova je dostavila elaborat o opravdanosti osnivanja, dokaz o uplati sredstava u skladu sa odredbama člana 18. Zakona o srednjem obrazovanju („Službeni glasnik Unsko-sanskog kantona“ broj: 35/05) i dokaz o garanciji za osivanje u pogledu unaprijed osiguranih i planiranih finansijskih sredstava za osiguranje uvjeta za početak rada i dalji rad.

Na osnovu člana 20. Zakona o srednjem obrazovanju, Ministrica obrazovanja, nauke, kulture i sporta Rješenjem broj: 10-38-993-2/17 od 01.02.2017. godine imenovala je Ekspertnu komisiju za razmatranje zahtjeva i elaborata, te davanje stručnog mišljenja o društvenoj opravdanosti osnivanja srednje Medicinske škole u sastavu KŠC „Ivan Pavao II“ - Škola za Europu u Bihaću (u daljnjem tekstu Komisija).

Na prvom sastanku Komisija je cijnila elaborat o opravdanosti osnivanja srednje Medicinske škole u KŠC „Ivan Pavao II“ Škola za Europu u Bihaću (u daljnjem tekstu elaborat), shodno odredbama člana 19. Zakona o srednjem obrazovanju, te utvrdila da isti ima određene nedostatke. Naime, u elaboratu nisu jasno utvrđene potrebe društva za obrazovanjem za zanimanje medicinska sestra-tehničar, te je zatraženo o Službe za zapošljavanje Unsko-sanskog kantona broj nezaposlenih lica sa završenom srednjom medicinskom školom. Prema podacima iz Biltena Službe za zapošljavanje Unsko-sanskog broj nezaposlenih lica sa završenom srednjim medicinskom školom (medicinska sestra-tehničar) iznosi 459 lica, što ukazuje da su potrebe na Kantonu relativno zadovoljene. Međutim, evropsko tržište je u prethodnom periodu otvoreno za zapošljavanje ovog kadra, te shodno potrebama evropskog tržišta, sve je veći broj prijavljenih učenika za upis u prvi razred srednje medicinske škole. Slijedom prethodnog i izraženoj potrebi učenika za upisom u

srednju medicinsku školu, te zbog nemogućnosti upisa u odjeljenja srednje Medicinsku školu u Bihaću i Sanskom Mostu, (osnivač Skupština USK), KŠC „Ivan Pavao II“ Škola za Europu u Bihaću u elaboratu navodi da bi mogli zadovoljiti izražene potrebe učenika za upisom u cilju sticanja zvanja medicinske sestra - tehničara. Komisija je mišljenja da društvena zajednica može biti podrška sticanju kvalifikacije koja je od općeg društveno značaja.

Komisija je na drugom sastanku zatražila da ustanova elaborat dopuni i izvrše ispravke kako slijedi:

- registracija srednje medicinske škole mora biti provedena kao samostalno pravno lice sa svim pravima i obavezama u skladu sa zakonskim i podzakonskim propisima,
- u elaboratu obavezno brisati navode da srednja medicinska škola egzistira u okviru „Centra“ koji ne postoji,
- brisati dio u kojem se navodi da će škola u daljnjem radu organizirati i doškolovanje kao i prekvalifikacije prema potrebama tržišta. Naime, Ministarstvu je dostavljen zahtjev za registriranje obrazovanja odraslih, te obavijest da škola odustaje od daljnje procedure u vezi s istim,
- u vezi prohodnosti – horizontalne , tj. prelazak učenika iz škole u školu, prilagoditi NPP modularnoj metodologiji u izvođenju istog u narednom periodu,
- izbaciti mogućnost organizacije „tečaj“, odnosno kursnu nastavu, jer takav vid nastave zakonom nije propisan,
- potrebno je ispraviti NPP i izbaciti latinski jezik u drugom razredu jer modularni NPP ne poznaje takvu mogućnost,
- brisati iz teksta odredbu da se upis vrši po potrebi i potražnji učenika (konkurs za upis učenika u prvi razred sa brojem učenika raspisuje Ministarstvo),
- evidentirati u elaboratu broj nastavnog i nenastavnog osoblja sa njihovim angažmanom u 40-satnoj sedmici, odnosno procentom norme nastavnog i nenastavnog osoblja. U tekstu elaborata škola je dužna napraviti presjek izvršilaca nastavnog i nenastavnog osoblja kroz sve prethodne godine u kojima se izvodio program srednje medicinske škole u skladu sa Pedagoškim standardima sa slijedećim podacima:
 - o broj izvršilaca
 - o broj časova
 - o broj nastavnih grupa
 - o površina škole u kojoj se odvija nastava za ovo zanimanje
 - o standardi za ostale zaposlenike izvan nastavnog procesa
 - o spisak angažovanih lica po osnovu ugovora o djelu (doktori)
- brisati „zakon ministarstva“ takav zakon ne postoji,
- dodati obrazloženje u vezi finansiranja, izdvojiti finansiranje srednje medicinske škole, u elaboratu tačno navesti koliko bi koštalo osnivanje srednje medicinske škole,
- navesti garancije u pogledu unaprijed osiguranih i planiranih finansijskih sredstava za osiguranje uvjeta za daljnji rad novoosnovane ustanove,
- uskladiti datume u dijelu elaborata „Zaključak“.

Nakon izvršenih ispravki Komisija je na trećem sastanku uvidom u elaborat utvrdila da je isti usklađen prema preporuci Komisije, osim u dijelu koji se odnosi na garancije u pogledu unaprijed osiguranih i planiranih finansijskih sredstava za daljnji rad novoosnovane ustanove i zatražila od ustanove da postupi po traženom, te se jednoglasno složila da postoji društvena opravdanost za osnivanje srednje Medicinske škole.

Ustanova je dostavila 22.03.2017. godine ispravljeni elaborat i navela da će sredstva za daljnji rada srednje medicinske škole u sastavu KŠC „Ivan Pavao II“ Škola za Europu u Bihaću osigurati iz fondova i drugih izvora, iz sredstava Osnivača, iz donacija, poklona i zavještanja pojedinaca, organizacija institucija iz zemlje i inozemstva.

U elaboratu je navedeno da je namjera osnivača KŠC „Ivan Pavao II“ Škola za Europu u Bihaću, zbog sve manjeg interesa učenika za upis u Gimnaziju da istu stave u stanje mirovanja od školske 2017/18 godine, te da preusmjere kapacitete u obrazovanje učenika u srednjoj medicinskoj školi zbog potreba i tržišta rada.

Komisija posebno ističe da su u elaboratu dostavljeni nastavni planovi za stručno zvanje: medicinska sestra – tehničar, fizioterapeutski tehničar te dentalni – zubni tehničar iz kojih je vidljivo da isti nisu u skladu sa članom 39. stav (3) Zakona o srednjem obrazovanju kojim je propisano slijedeće: „ Na Kantonu obavezna je primjena svih nastavnih planova i programa razvijenih po modularnoj metodologiji. Ostali nastavni planovi i programi razvijaju se i primjenjuju koliko god je moguće primjenom modularne metodologije.“ Slijedom prethodnog dostavljeni nastavni planovi navedeni u elaboratu moraju biti prilagođeni modularnoj nastavi i usklađeni sa citiranim odredbama Zakona, te Komisija predlaže da resorno Ministarstvo naloži u narednom periodu da se primjenjuju nastavni planovi i programi razvijeni po modularnoj metodologiji.

Iako je ustanova dostavila nastavne planove za medicinski sestru-tehničara, i za fizioterapeutskog tehničara i za dentalnog-zubnog tehničar, Komisija ističe da je za uvođenje svakog drugog zanimanja osim medicinske sestre-tehničara, iz porodice zanimanja zdravstvo, neophodna saglasnost resornog Ministarstva.

Bitno je istaknuti i Rješenje Ministra obrazovanja, nauke, kulture i sporta broj: 10-38-3951-UP-1/2015 od 17.01.2017. godine kojim odbijen zahtjev KŠC „Ivan Pavao II“ Škola za Europu u Bihaću za uvođenje stručnog zanimanja, Zubni tehničar, porodica zanimanja Zdravstvo jer Ustanova ne ispunjava uvjete u pogledu materijalno-tehničkih uslova za izvođenje nastave za zanimanje Zubni tehničar. Shodno naprijed navedenom, a u skladu sa donesenim Rješenjem o odbijanju zahtjeva za uvođenje stručnog zanimanja Zubni tehničar, Komisija nije cijenila opravdanost uvođenja ovog zanimanja. Također u Rješenju je navedeno da KŠC „Ivan Pavao II“ Škola za Europu u Bihaću - Sustav katoličkih škola nije registriran u smislu Zakona o srednjem obrazovanju koji članom 3. stav (2) propisuje: „da se srednja stručna sprema stiče u srednjoj školi, javnoj ili privatnoj ustanovi koja je registrirana kao: a) gimnazija; b) srednja škola za stručno obrazovanje i obuku i to: 1) srednja umjetnička škola; 2) srednja tehnička škola; 3) srednja stručna škola; c) srednja vjerska škola; d) srednja škola za učenika sa posebnim obrazovnim potrebama; e) srednjoškolski centar sastavljen od dvije ili više vrsta škola iz tačke a), b), c) i d); f) školski centar sastavljen od različitih nivoa

obrazovanja u svojstvu jednog pravnog lica, u skladu sa potrebama lokalne zajednice. Iz dokumentacije je utvrđeno da KŠC „Ivan Pavao II“ Škola za Europu u Bihaću, u pravnom prometu ne postoji kao srednjoškolski centar ili školski centar, naime postoji samo JU KŠC „Ivana Pavao II“ Bihać – Osnovna škola i JU KŠC „Ivan Pavao II“ Bihać – Opća gimnazija.

Komisija je donijela stav da je neophodno utvrditi koliki broj učenika Kantonalna bolnica može prihvatiti za izvođenje praktične nastave. Prema Nastavnom planu i programu veći dio praktične nastave mora se izvoditi isključivo u Kantonalnoj bolnici. Preporuka Komisije je da Ministarstvo obrazovanja, nauke, kulture i sporta prije donošenja odluke o broju učenika za upis u odjeljenja srednje medicinske škole, obavezno prethodno zatraži mišljenje Kantonalna bolnice, kako bi se utvrdio broj učenika koji može obavljati praktičnu nastavu u istoj.

Osnov za donošenje stručnog mišljenja imenovane Ekspertne komisije nalazi se u Zakonu o srednjem obrazovanju, naime članom 19. citiranog Zakona je utvrđeno slijedeće: „Elaborat o opravdanosti osnivanja srednje škole obavezno sadrži: podatke o osnivaču, sjedište i naziv, ciljeve, dužinu trajanja obrazovanja, nastavni plan i program, potrebe društva za obrazovanjem za određeno zanimanje, profil i stepen stručne spreme koji se stiče po završetku obrazovanja, opće i posebne uvjete utvrđene Pedagoškim standardima i normativima, finansijska sredstva potrebna za ispunjenje tih uvjeta, način osiguranja finansijskih sredstava za rad srednje škole.“ Član 20. pomenutog Zakona stav (1) propisuje: „Nakon dostavljenog urednog zahtjeva iz člana 18. ovog Zakona, Ministarstvo donosi poseban akt kojim obrzuje ekspertnu komisiju radi razmatranja zahtjeva i elaborata, te davanja stručnog mišljenja o društvenoj opravdanosti osnivanja srednje škole.“

Slijedom utvrđenih činjenica te na osnovu člana 20. stav (1) Zakona o srednjem obrazovanju, Ekspertna komisija za razmatranje zahtjeva i elaborata, te davanje stručnog mišljenja o društvenoj opravdanosti osnivanja Srednje medicinske škole u sastavu KŠC „Ivan Pavao II“ - Škola za Europu u Bihaću imenovana Rješenjem broj: 10-38-993-2/17 od 01.02.2017. godine d a j e

STRUČNO MIŠLJENJE

Elaborat sadržava sve elemente propisane članom 19. Zakona o srednjem obrazovanju, te Komisija daje pozitivno stručno mišljenje o društvenoj opravdanosti osnivanja Srednje medicinske škole u KŠC „Ivan Pavao II“ Škola za Europu u Bihaću.

1. Albijana Trnavci, predsjednica _____
2. Almira Ezić, članica _____
3. prim. dr. Smail Dervišević, član _____
4. dr. Samir Porić, docent, član _____
5. dr. Slavo Grgić, član _____



SUSTAV KATOLIČKIH „ŠKOLA ZA EUROPU“
J.U. KŠC „IVAN PAVAO II“ U BIHAĆU
Ceravci bb. 37 000 Bihać
Tel/fax: 00387 37 350 850
Email: tajnistvo.ksebihac@gmail.com
www.ksc-bihac.com



Adela

Broj: 21/17
Bihać, 24.01.2017.godine

MINISTARSTVO OBRAZOVANJA,
NAUKE, KULTURE I SPORTA USK-a
N/r g-đa Albijana Trnavci
N/r g-đa Adela Tabaković

6:
B1:

BOŠNJA I HERCEGOVINA
REPUBLIKA BOSNE I HERCEGOVINA

25-01-2017	
10-38-	99B-1/17

PREDMET: Dokumentacija za osnivanje Srednje medicinske škole u sastavu JU KŠC „Ivan Pavao II“, dostavlja se

Poštovani,

Slijedom dogovorenog na sastanku održanom 24.01.2017.godine u 10:00 sati u prostorijama Ministarstva obrazovanja, nauke, kulture i sporta USK-a, u prilogu dopisa vam dostavljamo sljedeća dokumenta:

- Zahtjev za osnivanjem Srednje medicinske škole u sastavu JU KŠC „Ivan Pavao II“ Škole za Europu u Bihaću u školskoj 2013./14. godini
- Elaborat o opravdanosti osnivanja Srednje medicinske škole u sastavu JU KŠC „Ivan Pavao II“
- Odluku Osnivača - Banjalučke biskupije o osnivanju Srednje medicinske škole br. 547/13 od 22.06.2013.godine

Stojimo vam na raspolaganju za sve dodatne informacije.

S poštovanjem,

Ravnatelj:


dr. Slavo Grgić
dr. Slavo Grgić

Dostavljeno:

1. Naslovu (2x)
2. a/a



SUSTAV KATOLIČKIH „ŠKOLA ZA EUROPU“
J.U. KŠC „IVAN PAVAO II“ U BIHAĆU
Ceravci bb. 37 000 Bihać
Tel/fax: 00387 37 350 850
Email: tajnistvo.kscbihac@gmail.com
www.ksc-bihac.com



Broj: 20/17
Bihać, 24.01.2017.godine

**MINISTARSTVO OBRAZOVANJA,
NAUKE, KULTURE I SPORTA USK-a**

**PREDMET: Zahtjev za osnivanjem Srednje medicinske škole u sastavu JU KŠC
„Ivan Pavao II“ Škole za Europu u šk. 2013/14.godini, dostavlja se**

Poštovani,

Uzimajući u obzir plan upisa u srednje škole u Općini Bihać i cijelom Kantonu, interes učenika i mogućnost zaposlenja nakon završetka školovanja, odlučili smo se za osnivanje Srednje medicinske škole.

Završetkom izgradnje drugog dijela zgrade KŠC-a stječemo potrebne prostorne uvjete. Uz opremu koju već imamo i novu koju nabavljamo opremili bismo Školu na najsuvremeniji način prema propisanim normativima. Uz proširenje nastavnog kadra, dobrom suradnjom sa Srednjom medicinskom školom u Bihaću, Kantonalnom bolnicom koja se nalazi u neposrednoj blizini Škole te Domom zdravlja u Bihaću, omogućili bi našim učenicima kvalitetan odgojno-obrazovni nastavni proces. Namjera je Osnivača da, zbog sve manjeg interesa učenika za upis, Opću gimnaziju stavi u mirovanje od školske 2017/18.godine, te preusmjeri kapacitete i snage u educiranje učenika u srednjoj medicinskoj školi za potrebe tržišta rada. Sve pojedinosti smo objasnili u elaboratu koji dostavljamo u prilogu.

Molimo Vas da razmotrite naš zahtjev.

S poštovanjem,

Ravnatelj:

dr. Slavo Grgić

Dostavljeno:

1. Naslovu
2. a/a

ELABORAT

O OPRAVDANOSTI OSNIVANJA SREDNJE MEDICINSKE ŠKOLE U J. U.
KATOLIČKI ŠKOLSKI CENTAR „IVAN PAVAO II“- ŠKOLA ZA EUROPU U BIHAĆU

1. Poticaj Osnivača - inicijatora

Banja lučka biskupija, osnivač Katoličkog školskog centra „Ivan Pavao II“ - Škole za Europu, nakon završetka i drugog dijela školske zgrade razmatrala je daljnji razvoj školskog centra. U izgradnju zgrade do sada je uložen veći iznos materijalnih sredstava, a planira se izgradnja i sportske dvorane pa je obaveza i prema partnerima i dobročiniteljima ne ostaviti prostor prazan i neiskorišten, nego ga što racionalnije i kvalitetnije iskoristiti. Dilema je bila; proširivati kapacitet gimnazije koja do sada postoji u KŠC-u ili otvarati neku drugu srednju školu. Od proširenja gimnazije i upisivanja dva odjeljenja umjesto dosadašnjeg jednog, se odustalo. Razlog: u svim općinskim centrima Unsko-sanskog kantona ima gimnazija. U te gimnazije upisuje se procentualno veliki broj učenika koji završavaju osnovnu školu. Obzirom na interes učenika, na mogućnost zaposlenja nakon završetka školovanja, KŠC „Ivan Pavao II“ se opredjeljuje za otvaranje srednje medicinske škole.

2. Razlozi za otvaranje medicinske škole:

Na području USK-u postoji samo jedna srednja medicinska škola koja se nalazi u Bihaću. Svake školske godine veliki je interes završenih učenika osnovnih škola za upis u školu. I ove školske godine upisano je 7 odjeljenja u kojima ima i do 40 učenika. U KŠC-u upisali bismo dva odjeljenja od 20 do 24 učenika, čime bismo i rasteretili pritisak na Srednju medicinsku školu u Bihaću. Važno je napomenuti da završeni učenici ne bi išli na Zavod za zapošljavanje, nego bi mogli dobiti zaposlenje ne samo u USK-u, nego i širom Europske unije. U daljnjem radu škole bi mogli organizirati i doškolovanje kao i prekvalifikacije prema potrebi tržišta (rad u staračkim domovima, otvaranje privatne djelatnosti i slično).

3. Potrebni uvjeti za otvaranje medicinske škole:

1. Prostor

Završetkom izgradnje drugog dijela zgrade KŠC-a i preseljenja osnovne škole u drugi dio zgrade kao i produženog boravka i igraonice za djecu predškolskog uzrasta, oslobađamo sav prostor u već ranije sagrađenom dijelu. Dajemo pregled tog prostora:

- a) 5 učionica
- b) kabinet informatike
- c) kabinet biologije i kemije
- d) velika dvorana za 200 osoba za velika predavanja i priredbe s videoprojektorom

- e) knjižnica
- f) prostorija za slobodne aktivnosti, sviranje i pjevanje
- g) zbornica
- h) uprava, uredi pedagoga, ravnatelja, tajnice, mala kuhinja, toaleti.

Navedeni prostor koristila bi gimnazija i medicinska škola. Ima dovoljno prostora za otvaranje novih kabineta za medicinsku školu. Neke od kabineta gimnazije koristila bi i medicinska škola, a i obratno.

4. Opremljenost

Škola je do sada uložila velika sredstva za opremanje. Nabavljen je sav potrebni namještaj. Potpuno je opremljen kabinet informatike i za individualni rad svakog učenika. Škola ima priključak na žični i bez žični Internet. Veći dio učionica ima videoprojektor, a škola je opremljena videonadzorom i vrlo suvremenim protupožarnim i protuprovalnim sustavom. Ostali kabineti opremljeni su prema normativima gimnazije. Za opremanje kabineta potrebnih za rad medicinske škole prema propisanim standardima, oni bi se opremali u skladu sa potrebama svakog narednog razreda. Cilj KŠC-a je omogućiti vrlo suvremenc uvjete za izvođenje što kvalitetnije nastave.

5. Nastavni kadar

Za izvođenje nastave u gimnaziji KŠC osim nekoliko redovnih nastavnika koji su imali normu sati, angažirani su vanjski suradnici iz drugih srednjih škola. Otvaranjem medicinske škole povećao bi se broj sati opće-obrazovnih predmeta kako bi se stvorili preduvjeti za prijem u stalni radni odnos većeg broja profesora koji bi izvodili nastavu u obje škole. Stručnu nastavu u medicinskoj školi moguće je u početku ostvarivati suradnjom KŠC-a sa Srednjom medicinskom školom u Bihaću, ali i Kantonalom bolnicom koja se nalazi u neposrednoj blizini škole.

6. Nastavni plan i program

U sastavu KŠC-a u Sarajevu već dugo godina (od 1994.) radi Srednja medicinska škola koja ima odobren program od resornog ministarstva obrazovanja kantona Sarajevo, a naš KŠC bi preuzeo taj nastavni plan i program, usporedio bi ga s nastavnim planom i programom Srednje medicinske škole u Bihaću, koji je već ispitan i provjeren u praksi.

7. Usmjerenje u medicinskoj školi

Analizirajući potrebe tržišta, mogućnost zaposlenja potrebe prekvalifikacije opredijelili smo se za zanimanje: medicinski tehničar. Trajanje školovanja bilo bi četiri (4) godine. Na kraju školovanja učenici bi polagali maturalni ispit u skladu sa zakonom.

8. Uvjeti upisa

- a) završena osnovna škola
- b) prednost imaju učenici s boljim općim uspjehom
- c) prednosti su bolje ocjene iz kemije, biologije i fizike
- d) škola može uvesti i prijemni ispit ako se ukaže potreba
- G) stvaranje uvjeta za uspješan odgojno-obrazovni rad škole

Katolički školski centri u BiH posebnu pažnju u svom radu posvećuju ne samo obrazovanju nego i odgoju. Cilj je da nakon školovanja u život stupaju svestrano odgojene ličnosti. Da bi to uspješno ostvario i KŠC „Ivan Pavao II“ u Bihaću i u narednim godinama će naročitu pozornost posvetiti:

- permanentnom usavršavanju nastavnog osoblja (seminarima, posjetima drugim centrima, korištenjem stručne i pedagoške literature, uvođenjem novih dostignuća...) suradnjom sa školama u Europskoj Uniji, pogotovo Austriji.
- daljnjim opremanjem škole novim nastavnim sredstvima
- trajnoj suradnji škole razrednika s roditeljima s ciljem da se unaprijedi redovno pohađanje nastave, redovne izrade domaće zadaće i drugih zadataka (roditeljski sastanci, individualni razgovori s razrednikom, pedagogom, ravnateljem i predmetnim nastavnicima)

S ciljem što kvalitetnije obrazovane i odgojene osobe, Škola će u radu sa učenicima naročitu pažnju posvetiti:

- organizaciji raznih oblika vannastavnih aktivnosti (sekcije, radionice) u kojima će doći do izražaja individualne osobine učenika.
- organizaciji dodatne nastave iz pojedinih predmeta s ciljem da se učenici pripreme za nastavak školovanja (naročito u završnim razredima).

- organizaciji dopunske nastave za učenike koji imaju poteškoće u redovnoj nastavi (naročito u početku školovanja).
- s cjelokupnim nastavnim procesom razvijati kod učenika navike za samostalan rad, kreativno mišljenje, odgovornost prema postavljenim zadacima
- razvijanju kulturnih navika, poštivanje drugih ličnosti

9. Prijedlog

Obzirom na stvorene uvjete u KŠC „Ivan Pavao II“ i već prije navedeno, predlažemo Ministarstvu obrazovanja, nauke kulture i sporta USK-a da odobri u šk. 2013/2014. otvaranje **medicinske škole - smjer medicinski tehničar**, upisom u prvi razred dva odjeljenja od 20 do 24 učenika (ukupno od 40 do 44). Smatramo, a i obavezujemo se, da možemo uspješno školovati i ove učenike kao što smo već uspjeli u gimnaziji. Namjera je Osnivača da, zbog sve manjeg interesa učenika za upis, Opću gimnaziju stavi u mirovanje od školske 2017/18.godine, te preusmjeri kapacitete i snage u educiranje učenika u srednjoj medicinskoj školi za potrebe tržišta rada. Završeni učenici će se moći zaposliti u zdravstvenim ustanovama naše države ili drugim državama EU ili uspješno nastaviti daljnje školovanje na raznim sveučilištima.